

MISTÉRIOS DOLOROSOS

Ho mensajen husi Fátima

Jezús nia agonia iha to'os Oliveira

1. **Fatima nia mensajen sentrá** mak Na'i-Feto nia rekomendasaun ba orasaun Rozáriu, konversaun, reparasaun no oferta sakrifísiu ba klamar sira nia salvasaun, devosaun ba ninia Futar Fuan Sala-Laek. Ir Lúcia fó sasin katak aparisaun hotu ninia finalidade mak atu halo fiar, esperansa no karidade sai boot ba beibeik.

Ema baku Jezús

2. **Fiar.** Iha primavera 1916 bibi-atan k'ik-oan na'in tolu Lúcia, Francisco no Jacinta, bainhira hein hela bibi depoizde han merenda no reza rozáriu, sira halimar haksolok. Teki-tekir anin boot ida hahú atu doko ai-hun sira. Sira haree figura joven ida nian ho tinan 14 ka 15 hanesan naroman nian no furak liu, mai hasoru sira no, besik tiha sira, nia dehan: "Imi keta ta'uk! Ha'u mak Anju Paz nian. Imi harohan ho ha'u. No hodi hakne'ak iha rai, nia hakruuk to' nia ren-toos kona rai no hlo lbarik na'in tolu repete liafuan sira-ne'e: "Ha'u nia Maromak, ha'u fiar. Ha'u adora, ha'u hein no ha'u hadomi Ita-Boot! Ha'u husu perdua ba sira ne'ebé la fiar, la adora, la hein no la hadomi Ita-Boot. Hafoin, hodi hamriik, nia hateten: "Imi harohan nune'e. Jezús no Maria nia futar fuan sira sei rona imi-nia hamulak sira".

Ema le'u ai-tarak ba ezús nia ulun

3. **Adorasaun.** Apelu ne'ebé mensajen Fátima nian halo ba adorasaun bolu ita-nia atensaun ba Maromak nia ukun-fuan dahuluk: "Ha'u mak Na'i ó-nia Maromak, ó keta iha Maromak seluk li'ur husi Ha'u". Ita adora Maromak ho fiar, tanba ita fiar nia fó bengan no agradese nia tanba Nia mak halo ita, halo ita moris no destina ita atu partisipa ba Ninia moris rasik, tanba domin.

Jezús lori krús ba foho Kalváriu

4. **Oferta orasaun no sakrifísiu.** Anju Fátima nian, ho ninia mensajen, husu ita atu oferese sakrifísiu ba Maromak, nu'udar hahalok reparasaun nian ba salan sira ita halo beibeik ne'ebé ofende Nia. Iha ita-nia moris la kuran okaziaun sira atu oferese sakrifísiu sira materiál no morál-espirituál, fíziku no intelektuál. Importante mak iha dispozisaun fuan nian. Importante iha kapasidade atu sakrifika an – Ir Lúcia hateten – bainhira husu kumpri ita-nia devér ba Maromak, ba maluk sira no an rasik.

Ema hedi Jezús iha krús hodi mate tanba ita

5. **Perdaun.** Ir Lúcia haerek nune'e: "Mensajen Anju nian konvida atu husu perdaun mai ita no ba maun-alin sira". Ne'e mak Jezús nia hanorin iha orasaun Ami Aman. Atu hetan perdaun, ita tenke pronto atu perdua, ho arreendimentu no esforsu atu muda moris, husik dalan sala nian no hili dalan grasa nian. Ita presiza aprende didi'ak saida mak mizerikórdia no perdaun ba ema seluk – Ir Lúcia kontinua – ne'ebé tenke sai husi ita-nia fuan nu'udar frutu domin nian ba Maromak, no ba maluk tanba domin ba Maromak, hanesan domin ne'ebé mai husi Maromak nia fuan mai ita.